

10 universiti berentap di peringkat ke-3 VEST 2017

KUALA LUMPUR - Perbadanan Nasional Bhd. (PNS) memaklumkan sebanyak 10 universiti akan bertanding di peringkat ketiga cabaran Varsity Entrepreneurship Skills & Talents 2017 (VEST 2017) yang akan diadakan bersempena Karnival VEST pada 15 Oktober ini



di Dewan Canselor Tun Abdul Razak (DECTAR), Universiti Kebangsaan Malaysia, Bangi, Selangor.

Universiti terlibat adalah Uni-

siti Teknologi Petronas, Universiti Utara Malaysia, Universiti Kuala Lumpur, Universiti Tenaga Nasional, Universiti Putra Malaysia, Universiti Islam Antarabangsa Malaysia, Universiti Kebangsaan Malaysia, Universiti Multimedia dan Universiti Selangor.

PNS menerusi satu kenyataan berkata, kumpulan dari tiga universiti terbaik kemudiannya akan dipilih ke peringkat akhir program keusahawanan tersebut dan mempersembahkan idea perniagaan

mereka di hadapan Perdana Menteri, Datuk Seri Najib Tun Razak pada Malam Gala Vest 2017 pada tarikh yang sama.

"Program VEST 2017 yang diadakan dengan kerjasama Kementerian Perdagangan Dalam Negeri, Koperasi dan Kepenggunaan merupakan satu pertandingan keusahawanan yang melibatkan 887 orang mahasiswa dari 20 institusi pengajian tinggi di seluruh negara dengan 273 idea perniagaan.

"Sejak dilancarkan pada 28 April lalu, peserta didedahkan dengan teknik-teknik terkini ju-

lan, pemasaran, penjenamaan, komunikasi berkesan, membina rangkaian francais dan perancangan kewangan sebagai persediaan untuk memulakan langkah sebagai usahawan," katanya di sini baru-baru ini,

PNS berkata, VEST diwujudkan bagi melahirkan usahawan dalam kalangan pelajar universiti awam tempatan selain membungunkan nilai-nilai berkaitan melalui bimbingan dan ilmu kemahiran.

Ia juga menawarkan peluang perniagaan dan mengukuhkan perniagaan sedia ada secara lebih sistematik dan dinamik.

Pemenang tempat pertama pertandingan VEST 2017 akan menerima wang tunai berjumlah RM25,000, sementara tempat kedua dan ketiga masing-masing menerima RM15,000 dan RM10,000.

"Kami juga akan menganjurkan Karnival VEST 2017 yang melibatkan pelbagai agensi, usahawan dan aktiviti menarik untuk segenap pengunjung dari pukul 9 pagi sehingga 7 malam.

"Ia termasuk persembahan artis-artis tempatan, ceramah ringkas serta bengkel fotografi dan solekan," katanya.